

Poesia del cuore è quella di Francesco Privitera.

Poesia di un cuore che palpita ancora, dopo lunghi, interminabili decenni d'attesa d'un definitivo riabbraccio, per quella terra e in quella terra da cui è partito per cercare l'America.

Poesia di un cuore che canta la bellezza, il profumo, l'incanto di una terra sognata nella lontananza d'oltreoceano e che nel sogno, sempre vivo e sempre restio a farsi realtà, riallaccia tutti i fili dei tanti ricordi.

Poesia di un cuore che spera di abbracciare la sua terra o, meglio, di essere da lei riabbracciato per inebriarsi dei suoi profumati colori ed essere custodito dalla sua amata terra per sempre.

buonasera Salvatore Privitera

A GDA BEGDA SICILIA MIA

Quannu a navi parteva da Palermu
e lenta po' si jeva alluntanannu,
lu cori miu non sappi stari fermu,
comu lu mari, si jeva agitannu.

Pari c'ancora mi sta salutannu
di gda banchina, me frati Pippuzzu.
Si vagnarunu i me occhi, e fu quannu
'ntisi ca ci lassavu u me curuzzu.

Si, 'nta me terra!, e chistu miu sughiuzzu
c'a fattu soffriri l'isistenza mia,
picchè u me cori d'accussi nicuzzo,
Sicilia begda, lu lassai a Tia.

Terra ca fusti a megghiu gioia mia,
di peni, di sospiri e di li sciali,
ora luntanu soffru di nustalgia.
Sulu luntanu, apprezzu quantu vali.

Terra ca mi dasti li natali.
Terra ca si sempri china di sciuri,
e di l'agrumeti attornu Aciriali,
unni suffrivi ppi lu prim'amuri.

Terra di l'Arti, Pueti e di scritturi.
Di zagara d'aranci e di lumia.
Terra di lu focu, unni tutti l'uri,
lu Mungibegdu fuma ammenzu a Tia.

Tu ca prucurasti tanta gilusia
fra Principi e Baruni, e a li giganti,
ppi la bigdizza da to topografia,
du furasteri ni fusti l'amanti.

Oh terra di l'amuri e di li canti,
vasata sempri attornu da tri mari.
Oh terra di li gioi e di li chianti,
ca cu ci nasci non Ti po scurdari.

Si Tu ca fai a tutti 'nnamurari
ppu begdu clima di la To rivera.
Ppa l'impidizza di To lidi chiari
e ccu l'incantu di la To custerà.

Terra ca statu sempri na sciurera,
ca digdi stissi nasciunu li sciuri.
Oh Tu ca si l'eterna primavera.
A ttia happi a lassari u primu amuri.

Ora non sentu cchiù tantu rancuri
ca sacciu u cori miu unn'è ammucciato.
Ora ritornu a Tia chin'i caluri,
ppi truvàri u me cori abbannunato.

E spirannu di essiri n'pocu amatu
di na bigditta nica Acitanegda,
ju scurdirò li peni du passatu,
ppi stari po' ccu Tia Sicilia begda.

Comu n'canuzzu, 'nta na gnunicegda,
sulu, suligdu, e si non troppu tardu,
macari n'ta gda nica rhutticegda
unni campau u Zzu Saru Pappalardu.

E spirassi di lassariti i me ossa,
puru si c'è bisognu di scavari
ccu li me stissi manu la me fossa.
Ssu rhanni donu, non mi lu nigari.